



Ақмешіт

4 маусым
сейсенбі
№44 (2054)
2024 жыл

Газет
1994 жылдың 15 сәуірінен
бастап шығады

Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

апталығы



BBC NEWS

МІ6: Жансыз жазалана ма?

Кейде ел қауіпсіздігі барлау қызметінің жұмысына тәуелді болуы ықтимал. Тәуекел де осы тұста шығады. Себебі қорғану үшін қам жасау, өзге елдің анысын аңдау еларалық кикілжіңге ұласуы мүмкін. Мұны жақында болған ҚХР мен Ұлыбритания арасындағы даудан аңғаруға болады. Қытай билігі ағылшындарды тыңшылық жасады деп айыптап, бұл әрекетке қатаң жауап беретінін айтты.



Апта бойы әлемдік ақпарат агенттіктердің назарында болған мәселеге Ұлыбританияның МІ6 (ағл. Military intelligence) жүйесі кінәлі. Бұл жүйе – өткен ғасырдың басында құрылған құпия саяси барлау қызметі. Негізгі қызметі, аты айтып тұрғандай, тыңшылық, барлау жолымен қажетті ақпаратқа қол жеткізуге бағытталған. Ғаламдық соғыс пен саяси шешімдер кезінде АҚШ пен Ұлыбританияға көмегі көп болды.

Міне, Қытай осы жүйенің өкілдері шенеуніктерге үгіт-насихат жүргізді деп санайды. ҚХР ресми мәлімдемесіне сүйенсек, қытайлық ерлі-зайыпты шенеуніктер МІ6 барлау қызметіне көмектесіп, Қытайда ақпарат жанауға мүмкіндік берген. Қазір тергеу жүргізілуде.

Дүйсенбіде BBC арнасының тілшісі Келли Ниг-окиға қатысты арнайы хабар таратып, толымды мәлімет жариялаған. Тіпті күдіктінің аты-жөні мен қызмет жолы туралы ақпараттарды біліпті.

«ҚХР өкілдерінің айтуынша, Ван текті шенеунік бірнеше ай ұлттық қауіпсіздікке нұқсан келтіретін ақпараттарды таратқан. Ол үшін Ұлыбритания тарапынан қомақты қаржы алып, кейін МІ6 өкілдері тығыз жұмыс істеуге ұсыныс жасаған. Жан-жақты қолдау мен қаржылай көмек көрсететініне сенген ол британдықтарға көмектесуге келіскен.

Оқиға 2015 жылы Ванның арнайы бағдарламамен Ұлыбританияға іссапармен барған кезінде басталған. МІ6 ұйымы оны түскі асқа шақырып, кейін құпия кездесулерге апарған. Біресе жұмыс істеуге келіскен соң жансыздарға арналған арнайы дайындықтан өтіп, ақпарат жанау мақсатында ҚХР-ға қайта оралған», – дейді тілші.

Соңғы айларда Ұлыбританияның барлау қызметі БАҚ-та ашық айтыла бастады. Мысалы, жақында ғана The Daily Telegraph басылмы Ұлыбритания билігінің қауіпсіздік қызметіне тапсырма бергенін жазған болатын. Онда барлау қызметі Иран, Қытай, Ресейге басымдық беріп, бақылауды күшейтілетіні айтылды. Ізінше барлау қызметінің басшысы Кен Маккаллум мұның зардабын жеткізіп, 10 мыңға жуық ұлыбританиялық кәсіпкер, нейрожелі жасаушы өнертапқыш, кванттық есептеу ғалымы, синтетикалық биология мамандарына қауіп төнетінін ескертті. Айтуынша, оларды өзге елдер жансыз деп есептеп, қысым күшеймек.

Бұған сенбеске амал жоқ. Өткен айда Ұлыбританияның Мейденхед қаласында 37 жастағы әскери қызметкер Мэтью Трикеттің денесі табылды. Ол бұған дейін Гонконгта тыңшылық жасады деп айыпталған еді.

«Ұлыбританияда да ҚХР-ға жұмыс істеген деп есептелетін азамат жетерлік. Қозғалған іс көп. Мысалы, өткен жылы күзде Лондонда Парламент депутатының көмекшісі құрықталды. Құжық қорғаушылардың сөзінше, ол Қытай тарапына болысқан, тыңшылық жасаған. Бірнеше жыл парламенттегі халықаралық саясат пен Бейжінмен арақатынас мәселесімен айналысатын депутаттармен жұмыс істеген», – дейді Келли.

Айыпталған ерлі-зайыптылардың арғы тағдыры белгісіз. Қытайдағы WeChat желісінде Ұлттық қауіпсіздік министрлігі күдіктілердің аты-жөні мен тағылған айыпты ғана айтқан. Тергеу ісі туралы мәлімет құпия күйінде қалуда.

4-БЕТТЕ

4 МАУСЫМ – МЕМЛЕКЕТТІК РӘМІЗДЕР КҮНІ

Мемлекеттік ту, елтаңба, әнұран – тәуелсіздігіміздің белгісі, ажырамас бөлігі. Егемендік пен біртұтастық танымын әлемге танытатын құндылықтар. Тәуелсіздікті сақтау, қадір-қасиетіне жету рәміздерімізді құрметтеуден басталады десек, артық емес. Сондықтан отансүйгіш қасиеттің қайнарын қастерлеу, қадірін білу, тарихымен танысу – әрбірімізге артылған жүк.

Сөзсіз, азаттықтың алғашқы атрибуты – мемлекеттік рәміздер. Бұл кез келген елге тән заңдылық. Дербес шешім қабылдай алатынын, өзіндік ұстанымы бар екенін білдіретін бірден-бір тетік. Қазақстан да егемендігін жариялаған кезде Тәуелсіздік декларациясы рәміздерді бекітті.

Саяси мәртебесін айшықтап, 1992 жылы ту мен елтаңба белгіленіп, әнұран мәтіні нақтыланды.

Тәуелсіздігін енді жариялаған еліміз үшін мемлекеттік рәміздерді қабылдау расында да жеңіл бола қойған жоқ. Тиісті мемлекеттік органдар мен мекемелер аса жауапты істі жан-жақты ізденіспен, мұқият дайындықпен қолға алды. Алдымен 1992 жылдың басында Жоғарғы кеңестің төралқасы мемлекеттік символиканы дайындау бойынша жұмыс тобын құру туралы қаулы қабылдады. Осы құжатқа сәйкес арнайы шығармашылық комиссия құрылды. Оның құрамына белгілі заңгерлер мен қоғам қайраткерлері енді.

2-БЕТТЕ

ЕЛДІК БЕЛГІСІ – ЕНШІ МҰРА



Нұрбол НАҒЫМАДИНОВ,

Қызылорда қалалық ветеринариялық стансаның эпизоотолог дәрігері:

«СОЛ ШАҚЫРТУ ЕСІМНЕН КЕТШЕЙДІ...»

«Малым – жанымның, жаным – арымның садағасы» деп тіршілігін төрт түлікпен байланыстырған әр қазаққа ветеринар дәрігердің жұмысы жіті таныс. Қайнаған тіршіліктің қазанында «мал ашуы – жан ашуы» дейтін ел бүгінде малын қалай емдейді? Өңірде бұл саладағы мамандардың деңгейі қаншалықты? Дамыған қоғам бұл салаға қандай жанашылдық әкелді? Осы сауалдар төңірегінде Қызылорда қалалық ветеринариялық стансаның эпизоотолог дәрігері Нұрбол Нағымадinovпен әңгімелескен едік.

алдын алу десек түсінікті болар. Қала бойынша адам мен жануарларға ортақ 14 түрлі аса қауіпті әрі жұқпалы ауру бар. Қала және қалаға қарасты ауылдық округтерде соларға қарсы вакциналарды жоспарлаймыз, егеміз. Бұл жұмыс әркез қадағалауда. Өйткені аса маңызға ие. Бір шалыс

басқан қадам қоғамға зиян әкелуі мүмкін. Бірдейлендіру дерек қорына жаңа туған төлдерді тіркейміз. Кезең-кезеңімен вакцинациялаймыз. Осының барлығы жүйелі жүргізіледі. Біздің дерекқор базасында мұның барлығы тіркеліп, көрініп тұрады.

2-БЕТТЕ

5 МАУСЫМ – ДҮНИЕЖҮЗІЛІК ҚОРШАҒАН ОРТАНЫ ҚОРҒАУ КҮНІ

ҚОРШАҒАН ОРТА ҚАМҚОРЛЫҚТЫ ҚАЖЕТ ЕТЕДІ



Қоршаған ортаны қорғау – әлемдегі басты мәселе. Айналымдағы барлық нәрсе қоршаған ортаны құрайды және біз оған қамқорлық жасауға міндеттіміз. Адамның кейбір әрекеті табиғатқа теріс әсер етуде, бірақ бірлескен әрекет арқылы әсерлі нәтижелерге қол жеткізе аламыз. Шығындарды шектеу, қорықтар құру, балаларды экологиялық мәдениетке тәрбиелеу ортақ үйіміз – планетаны сақтауға көмектесетін шаралардың бір бөлігі ғана.

Жыл сайын 5 маусымда атап өтілетін Дүниежүзілік қоршаған ортаны қорғау күні – планетамыздың эко-

логиялық проблемаларына назар аударуға арналған маңызды мереке. Бұл күн 1972 жылы БҰҰ Бас Ассамблеясымен бекітіліп, содан бері қоршаған ортаны қорғау мәселелерін талқылау және шешу үшін маңызды жаһандық алаңға айналды. 1973 жылдан бері БҰҰ қоршаған ортаны қорғау бағдарламасының жетекшілігімен жыл сайын атап өтілетін дүниежүзілік қоршаған ортаны қорғау күні ғаламшарды қорғауға әлемнің түкпір-түкпірінен миллиондаған адам қатысатын ең үлкен жаһандық экологиялық платформаға айналды.

3-БЕТТЕ



ҚҰМАР ОЙЫННЫҢ ҚҰРСАУЫ

Бүгінде лудомания немесе ойынқұмарлық – әлемге жайылып бара жатқан алапат эпидемия, жас талғамайтын психикалық індет. Бұрын казино, карта ойнау секілді құмар ойындар интернеттің және TikTok секілді әлеуметтік желілер пайда болғалы аясы бұрынғыдан кеңейіп, виртуалды әлемде де қанша адамды құрығына түсіріп жатыр.

Бұл тақырыпта жазуымызға қала тұрғыны, зейнеткер қария себеп болды. Бірде қаладағы банктің бірінде мынадай жайттың күесі болдым. Несие төлейтін кассаға келіп, қалтасынан жүз мыңнан аса ақшасын санап, «шалым екеуміз зейнетақымызды аламыз да, ұлымның несиеін төлеуге келемін. Әбден шаршатты, ойын ойнап, қарызға батты» деп ішіндегісін банк маманына ақтарып жатқанының күесі болдық. Содан қариямен қозбе-қоз сөйлескенді жөн көрдік.

4-БЕТТЕ

Баспасөз-2024

**АҒАЙЫН,
«АҚМЕШІТ АПТАЛЫҒЫНА»
ЖАЗЫЛДЫҒЫЗ БА?**

Баспасөзге 2024 жылдың екінші жартыжылдығына жазылу жүруде. Қапы қалмаңыз, сүйікті газетіңіз төріңізде тұрсын!

Жекелер үшін 6 айға – 3000 теңге, мекемелер үшін – 4000 теңге.

Баспасөзге қатысты сауалдарыңыз болса, мына нөмірлерге хабарласыңыздар:
40-05-81, 70-14-08.

